

Уьмрин дережа за аплуз!

Табасарандин СЭС



Табасаран райондин
жямьяьтлугъдинна - политикайин газат



Голос
Табасарана

№ 50 (1194) Жвуми, 13-пи декабрь, 2024-пи йис (2001-пи йисан 5-пи майдианмина удубч1вур)

СВО-ийъ гъак1идарин ядигар уьбхюри



Цци 9-пи декабрь «Ургур чвуччунна сар чучун» гъалайин багахъ ибтнайи Ядигарвалин багъдиъ СВО-ийъ гъийиху ихъ эскрар-ватанагълийириз дивнайи гюмбетдихъ кюкйир дивбан

серенжем гъабхъну. Серенжемдиъ Табасаран райондин глава Мягъямед Къурбанов, райондин администрацияйин главайин заместителар Заур Мусаев ва Ринат Мирзабалаев, СВО-ийн

Къурбановди.

иштиракчйир, райондин тешкилатарин ва идарйирин руководителар, райондин гизаф функцияйрин жигъиларин центрин волонтерар, юнармейцйир ва мектебарий урхурайидар иштирак гъахъну.

«Вари тарихдиъ ихъ жилари, Ватан уьбхюри, къягъялвалиинди женг зигури гъахъну. Ухъу ихъ игитарин гъунарар гъарган к1ваин урхидихъа. Дурари Ватандин хушбахтвал ва халкъдин ислягъ уьмур бадали вариант1ан багъа вуйиб – уьмур гъийиф гъап1ундар», - гюмбетдихъ кюйир дивну, гъапну Мягъямед

Хусуси мялумат.

**Нуруллагъ
РЯГЪЙМОВДИ
гъиву шикил.**

Ихъ ватанагълийиз генерал-майор звание тувну



Урусатдин Федерацияйин Президент Владимир Путинди чан Указдинди ихъ райондин Куркакк гъулан агъали Аьлибег Наврузбегович Асланбеговди генерал-майор звание тувну.

Аьлибег Наврузбегович Асланбеговди чан вари уьмур военный гъуллугънахъди аьлакьалу дап1на. Дугъу Орденекидзейин заан умуми къушмарин командный училище, хъасин М.В. Фрунзейин ччвурнахъ хъайи умуми къушмарин академия ккудук1ну. Думу государственной заан наградйирихъди лишанлу дап1на, гъадму гъисабнаан «Военный лайикъвалариз лигну» ордендихъди, «Ватандин улихъ лайикълувалариз лигну» II дережайин ордендин медалихъди ва жарадарихъди.

Гъаму вахтна ихъ ватанагълийин, Къибла военный округдин 49-пи умуми къушмарин армияйин командующийин заместитель вуди, СВО-ийн зонайиъ гъуллугъ аплура.

Ихъ ватанагъли эскервалин заан званиейихъди чан ва райондин агъалйирин терефнаан райондин глава Мягъямед Къурбановди тебрик гъап1ну ва гележегдиъ дугъаз сагъвал ва гъуллугънахъ хъана заан хъуркъувалар ккун гъап1ну.

Хусуси мялумат.

Дагъустандин Кубок к1ули гъубшну

Декабрин 8-ди Хючна гъулаъ Къалухъ Мирзайин ччвурнахъ хъайи спорткомплексдиъ волейболиан Дагъустандин Кубок к1ули гъубшну.

Соревнованийрин тешкилатчйир Табасаран райондин администрация ва Дагъустан Республикайин волейболин

(Аьхир 8-пи машнаъ.)

Агъалйир къабул ап1бан Вариурусатдин декада к1ули гъубшну

Мялум вуйиганси, «Сабвуйи Урусат» партияйин Генеральный Советдин Президиумдин къараринди вари уьлкейиъ 1-пи декабриан 10-пи декабриз ватандашар къабул ап1бан декада к1ули гъубшну.

Вариурусатдин политикайин «Сабвуйи Урусат» партия тешкил дап1ну 23 йис хъпахъди аьлакьалуди тешкил дап1найи агъалйир къабул ап1бан декадаийн рамкйирийди 5-пи декабрь Табасаран райондин глава, партияйин ерли отделенийин секретарь Мягъямед Къурбановди ватандашар къабул гъап1ну.

Къабул ап1баъ гъацира райондин депутатарин Собраниейин председатель Иса Исаев, «Сабвуйи Урусат» ВПП-ийн Табасаран райондин ерли отделенийин к1улин пишекар Нейбулла Мягъямедселимов иштирак гъахъну.

Къабул аплуз илт1ик1дарин асас месэлийр СВО-ийн иштиракчйириз ва дурарин хизанариз кюмек тувбахъди, жилин учас-



токара жара ва дурар къанунди т1алаб аплурайиси къайдайиз хъпахъди аьлакьалудар ва жарадар вуйи.

Ругуж гъулан агъали, СВО-ийн иштиракчйирин гага Мягъямед Мягъямедов, гъаму вахтна СВО-ийи иштирак шулайи чан баяриз

пулсузди жилин участокар жара аплуб ккун аплури, илт1ик1нийи.

Райондин главайи женгчйирин гагайиз РД-ийн Халкъдин Собраниейи 2024-пи йисан 31-пи майдиъ къабул гъап1у «Дагъустан республикайи жилин аьлакьйир (Аьхир 2-пи машнаъ.)

Важиблу цифрийир

Цци 26-пи ноябрь Републикаин Глава Сергей Меликовди Дагъустандин Государствонин техничский университетди республикаин илимдин ва образованиейин Советдин заседание клули гъубхну. Сергей Меликовди, ахиримжи 4 йисан республикаин образованиейин кьурлуш фици артмиш шулаш, думу цирклиь фицдар асас дигиш'валар духънаш, гъапну.

Гъаму макъалаийь Сергей Меликовдин улхбаан важиблу цифрийиркан би-клурача.

12 агъзур бициризи йишвади 87 бицидарин багъ ва 38 агъзур урхурайириз йишвади 102 мектеб ишлетмиш'вализ тувну.

373 мектебдин дарамат, дураккан 12 цци, дибдиан рас гъапну, цчийи мебелехди ва лазим вуйи жара аваданлугъарихди албагну.

Аварийный гъялнаь айи мектебарин кьадар шубуб пайнакан саб пай цийи гъабхну.

Республикаийь 666 образованиейин «Точка роста» центр, 8 бицидариз цифровый образование тувбан «IT-клуб», 5 бицидариз вуйи «Кванториум» технопарк яратмиш гъапну.

Коррекцийин 6 мектебдин инфраструктура цчийи алапну.

551 мектебдиь спортдин

дарсар гъахуз материална-техникаин база цчийи алапну: спортдин майднар, мини-футболдин майднар тикмиш ва спортзалар рас гъапну.

Образованиейиь цифровой ара тлаплуб метлебниинди образованиейин 328 тешкилатдиь материална-техникаин база цчийи алапну.

Республикаийн образованиейин 592 тешкилатдин бинаийин 81 агъзур урхурайириз 6 жорейиан умуми артмиш'валиан аьлава программийи клулизи адагъуз цчийи йишвар яратмиш гъапну: естественно-научный, техникаин, художественыйин, туризмвалинна-багъри юрд аьгъю алабаан, социалинна-педагогикаийн, физкультураийнна-спортдин.

Образованиейин «Гъулан мяшат» ва «Туризм ва гъуллугъарин сфера» кластерар, гъацира кьялан пишекарвалин образованиейин тешкилатарийь 54 заан технолоийин мастерскийи яратмиш дапна.

Му цирклиь хайлин кьуркьувалар гъазанмиш дапну ашра, гъелелиг гъял дарапну месэлийира гъузна.

«Улих душну ккунду! Натийиризи дилигди, думу гъаракат яваш дапну ккундар: уху гъарвахтна графикдин улихди душну ккунду», - гъапну Сергей Меликовди.

Аь. РАШИДОВ.

Агъалйир къабул ап1бан Вариурасатдин декада клули гъубшну

(Эвел 1-пи машнаь.)

къайдайиз хпан бязи месэлийирин гъякьнаан» Къанундиь дигиш'валар тлаббан гъякьнаан» РД-ийн 2024-пи йисан 10-пи июлиь 49-пи нумрайикки адабгъу Къанундин бинаийинди СВО-ийн иштиракчийиризи жилин участокар тувбан къайдайикан ктибтну.

Мягъамед Къурбановди жилин участок гъадабгъбан бадали лазим вуйи асас шартларикан ва тлаббарикан ктибтну - му яшамиш шулайи йишваь регистрация ади хуб ва улихнаси жил гъадабгъну адарди хуб ву. Гъацира асас тлаббарикан саб - му «Женган гъаракатарин ветеран» статус, Урусатдин Игит ччвур ясана СВО-ийь лайикълувалариз лигнну Урусатдин Федерацияийн орден ади хуб ву.

Эгер СВО-ийн иштиракчийи думу тлаббариз жаваб тувруш, тялукь документар гъязур дапну, участок гъадабгъуз нубатнахь дийигъуз Табасаран райондин администрацияийн жилин, мутмуийн аьлакьийирин, градостроительствонин ва ЖКХ-

ийн отделиз аьрза биклну ккунду. Райондин главайи гъапнуки, жилин участокар тешкил аплруган, аьрзайиз лигиди. Мягъамед Мягъамедовди лазим вуйи документар гъязур аплуз кюмек тувуз Мягъамед Къурбановди думу отделин пишекриз табшурмиш гъапну. Дугъу гъацира Мягъамед Мягъамедовдин хпириз - СВО-ийн иштиракчийирин баб Бегихан Мягъамедовайиз - ватанпервер ва дирбаш баяр тербияламиш алабаз лигнну, райондин главайин терефнаан, хулаз душну, Чухсагъулин кагъаз тувуз табшургъу тувну.

Къулиф гъулан агъали Къызбика Рашидова, чав хулар аплуз ккаийи участок чан ликрихь хьибтлбан бадали къанунди тлаб аплурайиси документар къайдайиз хпаь кюмек ккун аплури, илтликлнийи. Гъаму вахтна, жил гъулан мяшатдин эгъемиятдин вуди, документар гъязур аплуз шули адар.

Аьрзачийин тлаб фикриз гъадабгъну, Мягъамед Къурбановди гъамци гъапну: «Жилин саб категория тмунубдихьди дигиш аплуб РД-ийн Гъю-

куматдин ихтиярнаь айиб ву. Гъаму вахтна райондин гъуларин поселенийирин генеральный планар тартиб аплура. Дурак тасдик алаббан къяляхь, генеральный пландик кахърайи гъулан мяшатдин эгъемиятдин жилар гъуларин поселенийирин сьргъатарик кахърайидариз илтликллуб ккун аплури, райондин администрация РД-ийн Гъюкуматдиз илтликлиди».

Думу ляхнин къяляхь аьрза аплурайириз жилин участокдин къанунди тлаб аплурайиси документар къайдайиз хпаь кюмек тувуб райондин главайи «Жулжагъ гъулан совет» СП-ийн глава Шагъимерден Гъясанаведиз табшурмиш гъапнийи.

Саб жерге жара месэлийир гъял аплури, приемдин вахтна Мягъамед Къурбанов жорбежюр тешкилатарин руководителарихьна илтликлнийи ва чан заместителариз тялукь табшургъар тувнийи.

Аь. РАШИДОВ.

Нуруллагъ РЯГЪИМОВДИ
гъиву шикил.

«Важиблудикан улхуб» дарснаь

Цци декабрин 9-диь, Ватандин Игитарин йигъан, Дагъустан Республикаийн Глава Сергей Меликовди «Важиблудикан улхуб» проектдин рамкийриьди Мягъячгъалаийн 54-пи нумрайин мектебдиь ачухь дарс клули гъубхну. Гъадму вахтна трансляцияийн кюмекниинди думу дарс, дидин география яркъу аплуб метлеб вуди, республикаийн гизаф кьадар мектебарийьси, ихь райондин гимназияийьтра улупну. Онлайн форматдинди думу дарснак ихь райондин мектебарийь урхурайидарра ктикьну.

«Варидихьди сатлиди гъорюшмиш хъуз, ухъуз варидиз важиблу вуйибдикан фикир аплуз мумкинвал хъувалиин шад вуза. Гъийин йигъ асас йигъ ву: 9-пи декабрь ихь уьлкеийь Ватандин Игитарин Йигъ вуди къайд аплура. Гъи ухъу Ватан гъюбхдарин, уьбхюрайидарин гъунарар аьхю шадвалиинди к1ваин аплурахаь. Думу тяжиблу йигъахьди учвур тебрик аплураза!» - гъапну региондин главайи.

С.А. Меликовди игитвалин рюгъ ва дурумлувал гъийин эскервалин гъуллугънаь айидарин гъунарарийь, хъуркьуваларийь давам шулайивал, СВО-ийь дагъустанлуийирин арайиан 13 Урусатдин Федерацияийн Игит хъувал, гъадарикан йирхъуризи думу ччвур йиклбан къяляхь тувувал къайд гъапну.

Фарзилат РАЖАБОВА.

Жорбежюр месэлийириз гъилигнну

Вариурасатдин политикаийн «Сабвуйи Урусат» партия тешкил дапну 23 йис хьпахьди аьлакьалуди тешкил дапнайи агъалйир къабул ап1бан декадаийн рамкийриьди 6-пи декабрь РД-ийн Халкъдин Собраниеийн депутат Алавудин Мирзабалаевди Табасаран райондин администрацияийь ватандашар къабул гъапну.

Къабул ап1баь райондин депутатарин Собраниеийн председатель Иса Исаев ва «Сабвуйи Урусат» партияийн Табасаран райондин отделеийин клулин пишекар Нейбулла Мягъамедселимов иштирак гъахну.

Ватандашар къабул аплру вахтна Алавудин Мирзабалаев жорбежюр месэлийириз гъилигнну, гъадму гъисабнаан рякьар рас, мектебар тикмиш, муниципалин пенсия тьяин ап1бахьди аьлакьалу ва жарадариз.

Гъаци, Акъ'арин къялан мектебдин директор Аьлириза Рамазанов Акъа гъулаь цчийи мектеб дивбан гъякьнаан илтликлнийи. Мектебдин йирси дарамат 2021-пи йисланмина аварийный гъялнаь а, баяр-шубари арендаийиз гъадабгънайи хусуси хуларий урхура. Дугъу гъапнуки, райадминистрация, райондин глава саб-швнубан РД-ийн образованиейин ва илимдин Министерствонийиз, РД-ийн Гъюкуматдиз илтликлнушра, саб жю-



рейн ужувлан натижа гъелелиг адар.

Шараитар адрувализи дилигди, гъарисан Акъ'арин мектебди медаларин эйсйир деатура. Думутанна савайи, Акъа гъул'ан гъаму вахтна 45 жигил СВО-ийь иштирак шула ва дурак ихь Ватан уьбхюра, хъа дурак ихь баяр-шубар шараитар адру хусуси хуларий урхуз мажбур духъна.

Алавудин Мирзабалаевди думу месэлайикан чаз хабар айиваликан ва райондин глава Мягъамед Къурбановдихьди сатлиди аварийный гъялнаь айи мектебарин месэла чпин гъозчиваликкна гъадабгънайиваликан ва думу терефнаан ляхин гъабхурайиваликан гъапну. Акъ'арин мектебдин месэла гъял аплуз тялукь документар ва илтликллуб РД-ийн Минобрнаукаийиз хъадаьна. Дугъу думу

месэла чан хусуси гъозчиваликкна гъадабгъуз ва заан инстанцийириз илтликлуз, яни СВО-ийн иштиракчийирин бабарин терефнаан илтликллуб гъязур дапну, РФ-ийн Федералин Собраниеийн Федерацияийн Советдин председатель Валентина Матвиенкойин ччвурнахьна хътаплуз гаф тувну.

Гъациб месэлайин гъякьнаан Алавудин Мирзабалаевдихьна Дарвгъарин 1-пи нумрайин къялан мектебдин директор Заман Къягъримановра илтликлнийи. Дугъу гъапнуки, мектеб щитарикан уч гъаплу дарамат ву ва гъамус лап йирси дубхъна. Дугъу чпин мектебдизра тялукь фикир тувуб ккун гъапну. Мектебдиь урхурайидарин кьадар гъарисан артухь шула, дарсар къюб сменайиь гъахура, классар гъурк1ри адар, шараитарра ужу алаьну

ккунду. Парламентарийи месэла чан гъозчиваликкна гъадабгъну ва дидиз РД-ийн Минобрнаукаийихьди ва Минстройихьди сатлиди лигуз гаф тувну.

Куркакк, Халагъ ва Гуми гъуларин поселенийирин главйир маважиб за ап1бан ва муниципалин гъуллугъчийиризи гизаф йисарихьди аьлакьалуди пенсийир тьяин ап1бан гъякьнаан илтликлнийи. Алавудин Мирзабалаевди маважиб за ап1бан ва муниципалин пенсийир тьяин ап1бан къайдийирикан ачухьди ктибтну.

Алавудин Мирзабалаев чухъна илтликлдарин варидин месэлийириз гъилигнну. Дугъу варидин месэлийир, ахтармиш дапну, тялукь уьлчийир къабул ап1бан бадали, лазим вуйи органариз депутатвалин запросар хътауз ккайиваликан гъапну. Дугъу агъалйирихьди аьлакьа уьбхюб важиблу вуйиб ва дурак и месэлийир гъял ап1бийн зегъмет зигуз гъязур вуйиб къайд гъапну.

Аь. РАШИДОВ.

Нуруллагъ РЯГЪИМОВДИ
гъиву шикил.

Ватандин Игитарин Йигъ къайд гъап1ну

Цци 9-пи декабрь ихъ райондин центр Хючна гъулаъ культурайин Хулаъ Ватандин Игитарин Йигъаз бахш дап1най серенжем гъабхъну. Серенжемдиъ райондин глава Мягъямед Къурбанов, райадминистрацияйин работникар, райондин идарйирин ва жямаябтлугъ тешкилатарин вакилар, Афгъанистандиъ ва жара йишварийъ женгнан гъаракатарин иштиракчйир, СВО-ийъ иштирак шулайи ва жикъи вахтназ отпускдиз дурнайи ихъ ватанагълийир, военно-служащйирин абйир-бар, мектебарийъ урхурайидар иштирак гъахъну.

Уч духънайидар район-



районна - художествойин пай РД-ийн культурайин лайикълу работник Арсен Аслановди «Офицерар» мяъли ап1биинди ккебгънийи. Хъасин райондин гимназияйиъ, Хянгъярин къялан мектебдиъ, Таттарин къялан мектебдиъ, Хючнаарин гизаф профиларин сабпи нумрайин лицейиъ урхурайидари Урусатдин Игитар табасаранарикан гъазур дап1найи видеороликер улупнийи. Ярс'арин къялан мектебдиъ урхурайи Меседу Гъямидовайи тамам гъап1у «Шамар кархъай» композицияра марагълуб вуйи.

Серенжемдиъ «СВО-ийн зонайиъ гъак1и Таба-



дин глава Мягъямед Къурбановди Ватандин Игитарин Йигъахъди тебрик гъап1нийи. Дугъу гъап1ну: «9-пи декабрь Урусатдиъ асас машквар къайд ап1ура - Ватандин Игитарин Йигъ. Думу йигъан ухъу уьмур, Гъалибвал бадали ахъю гъунара улулу, асас къисматнан, хасиятнан инсанар гъюрматниинди тебрик ап1урхъа. Ватан-

дин Игитарин Йигъ РФ-ийн Государствойин Думайи 2007-пи йисан 26-пи январийъ тйин гъап1нийи. Государствойин Думайин жягътлувал РФ-ийн Федерацияйин Советди къабул гъап1нийи ва РФ-ийн Президент Владимир Путинди тасдикъ гъап1нийи. Вари деврарийъ Ватан уьбхюри гъахъидарин, асас вуди Ватандин Ахъю

дяддин йисари ва гъийин вахтна СВО-ийъ иштирак шулайидарин гъунараинди адлу вухъа, дамах ап1урхъа. Табасарандиз игитарин ватан пуз шулу, гъаз гъапиш исягъ деврин вахтна Дагъустандиъ айи 13 кас Урусатдин Игитарикан 4 табасаранар ву».

Мягъямед Къурбановди къайд гъап1нийики, СВО-ийъ иштирак шулайи вари ихъ жигъилар игитар ву. Дурарин гъунараинди гъалибвал ихъуб шлувалин шак адар.

Хъасин райондин главайи СВО-ийн иштиракчйириз машкврахъди аьлакълуди Гъюрматнан Грамотийир ва Республикайин региондин «Дагъларин ядигар» жямаябтлугъ тешкилатдин СВО-ийн Ассоциацияйин ветеранарин удостоверенйир ва мухрик кит1ру лишнар тувну. Республикайин реги-



ондин «Дагъларин ядигар» жямаябтлугъ тешкилатдин вакил Ильяс Мут1алимовди, уч духънайидар серенжемдиъ тебрик ап1ури, СВО-ийн иштиракчйирин терефнан чпиз гъарган фикир туври ва рягъимувалик кюмек хътап1ури хъпан, райондин руководствойиз чухсагъул мялум гъап1ну. Серенжемдин литерату-

саран райондин агъалйирин ядигариз» видеороликера улупнийи. Хъасин уч духънайидари саб дакъикъийи ккебехъбиинди гъийиху вари игитарин яс гъюбхну. Серенжемдиъ военный темайиан шийрар гъурхну.

**Аь. РАШИДОВ.
Н. РЯГЪИМОВДИ
гъиву шиклар.**

Координацияйин совещание гъабхъну

Ноябрин 29-диъ райондин администрацияйиъ райондин глава Мягъямед Къурбановди координацияйин совещание клули гъубхну. Душваъ саб вуйи дежурный диспетчервалин гъуллугънан, СВО-ийн иштиракчйирин хизанариз социалин кюмек тувбан серенжемарин, райондиъ сгъламвал уьбхбан ляхнарин гъакънаан месэлийр гъап1ну.

Совещаниейиъ гъуларин поселенйирин главйир, райондиъ айи федералин ва республикайин къурулушарин руководителар иштирак гъахъну.

2024-пи йисан Табасаран райондин саб вуйи дежурный диспетчервалин гъуллугъну (ЕДДС) клули гъубху ляхникан думу гъуллугънан директор Надир Гъажиевди доклад гъап1ну. Дугъу 2024-пи йисан чпи милли стандартиз жаваб тувру цийи дараматдиз удуч1вбакан ва ЕДДС цийи аваданлугъарихъди тямин ап1бакан гъап1ну.

Дугъу туву мялуматдиз асас, райондин ЕДДС-ди цийин ккудубшу вахтна 4,3 агъзур зенг къабул гъап1ну.

Докладдин къяляхъ Мягъямед Къурбановди варит1ан читин месэлийрин гъакънаан, хат1алу дюшюшарин улихъиш бисбан ва вахтнийинди тьялукъ уьлчйир къабул ап1бан бадали, экстренный ва оперативный гъуллугъарин руководителариз мялуматар тувбан важиблуваликан гъап1ну. «Варит1ан гизаф читин дюшюшар наан ва фуну циркларийъ шулуш, фикир тувну ккунду. Дициб анализди багахъ вуйи шубуд йисаз ляхин ва райондин бюджет планламиш ап1баъ кюмек тувди», - аьлава гъап1ну Мягъямед Къурбановди.

Гъацара райондин главайи гъап1нуки, Табасаран райондин ЕДДС асас улупбарин ва аваданлугъарихъди албагнайивалиан республикайиъ ужударстарикан саб вуди гъисаб дап1на.

Совещаниейиъ гъацара СВО-ийн иштиракчйирин хизанариз социалин кюмек тувбан месэлийрра гъап1ну. СВО-ийн иштиракчйирин хизанариз социалин кюмек тувбан месэлийрин гъакънаан мялумат Табасаран райондиъ агъалйир социальн уьрхбан Управлениейин директорин вазифйир тамам ап1урайи Къази Мягъямедовди тувну. Дугъан улупбаринди, государствойин социалин кюмек тувбан бинайиинди УСЗН-ди 9 социалин контракт гъийит1ну. Дурарикан 3 хусуси хулан мяишат гъабхуз, 3 уьмрин читин гъялнаан удуч1вуз ва 3 клул'инди вуйи дилаварвалин ляхин ачмиш ап1уз вуйидар ву.

Сабшв'инди вуйи выплатйир - 100 агъзур манат РФ-ийн Миноборонайихъди 2024 -пи йисан 10-пи июлихъанмина контракт гъийит1у 326 касди гъадагъну, хъа 500 агъзур манат - 26 касди.

УСЗН-ди газификацияйиз, газдин аваданлугъар

масу гъадагъуз ва дурар албагуз субсидйир адагъуз кюмекарра ап1уру. Дицдар субсидйир ккун ап1ури, 9 кас илт1ик1ну. УСЗН-диз коммуналин гъуллугъарин пул 50 процент компенсация ап1уз СВО-ийн иштиракчйирин 154 хизан илт1ик1ну.

Региондин «Вари сат1иди» фондди ан сабшв'инди вуйи материалдин кюмек 63 касдиз тувну, хъа 58 кас прописка айи ва яшамаш шулайи йишварийъ агъалйир социальн уьрхбан органариз илт1ик1ну.

Табасаран райондиъ агъалйириз социалин гъуллугъ ап1бан Комплексный центрин директор Тимур Аьлиевди думу терефнаан чпин идарайин ляхникан доклад гъап1ну.

Дугъу туву мялуматдиз асас, СВО-ийъ иштирак шулайидарин гъарсаб хизандик социалин работникар кит1на. Райондиъ КЦСОН-ди СВО-ийн иштиракчйирин 106 хизандиз гъуллугъ ап1ура. Военнослужащйи-

рин хизанариз ккудушу урч1вуб вазли 17414 гъуллугъ тувну, гъадму гъисабнаан социалинна-йашайишдин, социалинна-медицинайин, социалинна-психологияйин ва гъ.ж.

Гъаму вахтна улупбарин база яратмиш дап1на ва гъак1и военнослужащйирин, мобилизация дап1найи, СВО-ийз хушнинди гъушу ва жара категорияйин военнослужащйирин хизанарин социалин асас месэлийр ва т1алабар аьгъю ап1бан бадали 665 социалин паспорттар дюзмиш дап1на.

Мягъямед Къурбановди СВО-ийн иштиракчйириз кюмекар тувбан месэлийр чан гюзчивалик ккайиваликан гъап1ну. Мушваъ гъарсарихъди клул'инди ляхин гъабхуб, ачухъвал ва аьдрисдинди вуйи кюмек важиблугъу. Думут1анна савайи, райондин главайи къайд гъап1нуки, федералин, республикайин, муниципалин къурулушари туву кюмекнакан (Аьхир 7-пи машнаъ.)

Круглый стол «Время Героев»



9 декабря в зале централизованной библиотечной системы Табасаранского района в с. Хучни прошел круглый стол «Время героев», посвященный Дню Героев Отечества.

В его работе приняли участие глава муниципалитета Магомед Курбанов, его заместитель Ринат Мирзабалаев, участники специальной военной операции Алим Насиров из с. Цухтыг, Альберт Ханахмедов из с. Хучни, Узейир и Фейламаз Адамовы из с. Ничрас, находящиеся на данный момент в отпусках, представители военкомата, волонтеры, юнармейцы, активисты молодежи и работники библиотеки.

На мероприятии обсуждались темы, связанные с патриотизмом, приводили примеры героизма наших земляков, которые проявляют самоотверженность и с честью выполняют воинский долг на спецоперации.

Магомед Курбанов поприветствовал и поздравил всех присутствующих с Днем Героев Отечества.

Глава муниципалитета рассказал о значении праздника, роли патриотизма в воспитании молодежи и формировании гражданской ответственности. Он отметил, что такие встречи способствуют укреплению связи между поколениями и формированию уважения к подвигам защитников Отечества.

«Сегодня по всей стране отмечается сравнительно молодой праздник, который с 2022 года стал особенно значимым. Нам есть чем и кем гордиться. Наш народ воинственный и героический, мы сегодня чествуем своих героев. В настоящее время несколько тысяч наших ребят находят-

ся в зоне специальной военной операции, более 500 участников удостоены различных наград. Более того, из 13 Героев России в Республике Дагестан 4 являются нашими земляками — табасаранцами. Конечно, война не обходится без потерь, и крайне тяжело осознавать эти утраты, но они погибли героически, и мы о них не забудем. Их память будет увековечена в школах, а улицы будут названы в их честь. Мы направили все наши усилия на поддержку участников СВО и их семей, хотя решить все проблемы одновременно не представляется возможным. Регулярно отправляем гуманитарную помощь в зону специальной военной операции нашим землякам. Я и сам лично ездил туда семь раз. Мы не забываем о наших героях и ждем их с победой домой», — сказал Магомед Курбанов.

В свою очередь участники СВО поделились впечатлениями о службе, рассказали о боевых буднях, о значении героизма в современном обществе и о том, как важно поддерживать моральный дух военнослужащих. Они также призвали присутствующих детей, молодежь быть дисциплинированными, любить свою Родину, заниматься спортом и быть сильными духом. Бойцы выразили слова благодарности главе района Магомеду Курбанову за постоянную поддержку и гуманитарную помощь землякам.

Присутствующие на мероприятии учащиеся школ декламировали стихи о героях Родины и с интересом задавали вопросы участникам СВО.

Пресс-служба
райадминистрации.

Главный врач Табасаранской ЦРБ провел личный прием граждан



10 декабря в рамках декады приема граждан, приуроченной к 23-летию образования ВПП «Единая Россия» личный прием граждан провел главный врач Табасаранской ЦРБ, депутат Собрании депутатов района от этой партии Абсеретдин Мирзабеков.

В приеме также приняли участие председатель Собрании депутатов района Иса Исаев, его заместитель

Яшар Абдулов, главный специалист Табасаранского местного отделения ВПП Нейбулла Магомедселимов.

В рамках приема посетители обратились с проблемами различного характера, имеющего непосредственное отношение к области здравоохранения.

Так, жительница селения Ягдыг обратилась с просьбой о прохождении практики ее сына в ФАП этого же села.

Сам он в настоящее время учится на 4 курсе медицинского колледжа в Дербенте. Абсеретдин Мирзабеков пообещал рассмотреть вопрос о такой возможности, чтобы будущий медработник набирался опыта в ЦРБ или ФАП.

Тяжело больная жительница селения Кужник попросила рассмотреть вопрос о направлении на прохождение медико-социальной экспертизы для получения инвалидности. Главный врач ЦРБ подробно разъяснил все необходимые действия для установления инвалидности.

В ходе приема заявители обращались также за врачебной консультацией, с вопросами об обеспечении лекарствами, трудоустройстве в ЦРБ, направлении на прохождение специализированной медицинской помощи.

Всем обратившимся на прием Абсеретдином Мирзабековым были даны обстоятельные и профессиональные ответы.

А. ИСАЕВ.
Фото Н. РАГИМОВА.

Стратегическая сессия «ЮжДаг-2024»

В Табасаранском районе 7-8 декабря 2024 года прошла Стратегическая сессия «ЮжДаг-2024». В открытии сессии принял участие заместитель главы администрации муниципалитета Заур Мусаев, эксперты в сфере туризма, представители вузов республики и молодежных организаций района.

Двухдневная программа сессии позволила ознакомить 100 участников с основными туристическими объектами Южного Дагестана, поспособствовала развитию навыков территориального проектирования.

Участники сформируют и передадут администрациям городов и районов проекты для последующего поиска ресурсов и реализации проектных решений на конкретной местности.

Стратегическая сессия «ЮжДаг-2024» проводится при поддержке Федерального агентства по делам молодежи и администрации Табасаранского района.

На стратегической сессии «ЮжДаг-2024» прошли лекции и мастер-классы от экспертов в сфере туризма



и социального проектирования. Перед участниками сессии с лекцией на тему «Туристический потенциал Южного Дагестана на примере Табасаранского района» выступил руководитель ООО «Лунь» Низами Агаризаев. В своем выступлении он раскрыл тему перспективности туристического направления.

На мастер-классе по социальному проектированию эксперт-наставник Росмолодежи Эдуард Абдулхаликов поделился знаниями составления и оценки социальных проектов. Далее состоялась командная работа по разработке проектных решений.

Образовательный модуль завершился играми на командообразование и конкурсами на выявление лидерских качеств.

Стратегическая сессия «ЮжДаг-2024» прошла при поддержке Федерального агентства по делам молодежи и администрации Табасаранского района.

Пресс-служба
райадминистрации.

Нурлан Исмаилов — серебряный призер международного конкурса краеведов!



В Москве, в Доме Российского исторического общества, состоялось торжественное награждение победителей международного конкурса краеведов, работающих с молодежью. Среди лауреатов — учитель истории Дарвагской СОШ №1 Табасаранского района Нурлан Исмаилов, занявший почетное второе место!

Его проект «Популяризация объектов культурного наследия Дагестана среди молодежи» высоко оценен экспертным жюри. На конкурс подано 598 заявок из 84 субъектов России и зарубежных стран. До финала дошли лишь 26 участников из 22 регионов России.

Поздравляем нашего земляка с успехом!

Редакция.

Лайкьлу гъалибвалихъди, Эльмира!

Гъарсад йисанси, щира улихъна йигъари, ноябрин 18-диан 20-диз, ихъ райондин Гимназияий республикаийн «Дагъустан Республикаийн йисандин мялим-2025» конкурсдин муниципалин этап клули гъубшну. Конкурс клули гъабхан метлеб райондин мектебарий лихурайи мялимарин арайиь заан удукърувалар айи мялимар ашкар, дурарин ад за ва тереф уьбхюб ву. Думу жюре конкурс гъарсар мялимдиз чан пишекарвалин устадвал за апуз тувнайи мумкинвалсира гъисаб апуз шулу. Ццийин йисан райондин мектебарин думу конкурсди иштирак хъуз образованиеийн управленийиз 35 мялимди аьрзийр тувну. Гъадрикан сабпи этапди 16 мялим иштирак гъахъну. Дурари «Конкурсдин Методикаийн кархана» клуру сабпи туриь урхурайидарихъди гъабхру аьгъювалар тувбан ва тербийин ляхниь образованиеийн



гъийин деврин талабариз жаваб тувру тажрубайин методикийр улупну. Конкурсдин кюбпи туриз 7 мялим удучлвну. «Дарс» клуру кюбпи туриь дурари жюриийн ва ляхнин юлдшарин улихъ ачухъ дарсар гъухну. Кюбпи туриь дарс тешкил гъийин деврин технологийр ва къайдийр

ишлетмиш апуз урхурайидарихъди аьлакыйр албагуз дарс гъабхан вахт тешкил апуз аьгъювализ кымат тувуйи.

Кюбп турин натижийринди, «Йисандин мялим-2025» конкурсдин муниципалин этапди жюриий гъалиб гъахърин ва приздин йишвар гъазанмиш гъаплдин йишвар гъамци пай гъаплну. Муниципалин этапди райондин Гимназияийн ккертгъбан классарин мялим Эльмира Шамиловна Гъямидова гъалиб гъахъну. Кюбпи йишвар кюр мялим лайикьлу гъахъну: Гъепларин къялан мектебди тарихдин ва обществове-

дениеийн мялим Разеда Аьбуллаева ва Хючнарин кюбпи нумраийн къялан мектебдин урус чалнан ва литератураийн мялим Ръгъимат Аьзизова. Шубубпи йишвар-Ярс`арин къялан мектебди биологияийн дарсарин мялим Севила Аьгъмадханова ва Хюрккарин Р. Гъясановдин ччурнахъ хъайи къялан мектебди физикаийн дарсар кивру мялим Асият Шабутаева.

Сабпи йишвар лайикьлу гъахъи Эльмира Гъямидова багарихъди клули гъабгъбанди вуйи «Дагъустан Республикаийн йисандин мялим-2025» конкурсдин зонийн этапди иштирак хъиди. Жигил насил аьгъюваларин яркюу рякьюз гъязур апурайи Эльмира Гъямидоваийз ва имбу вари мялимариз гележегдиъра хъана ахю хъуркьувалар хъуб ккун апурахаь.

Ф. РАЖАБОВА.

Шиклий: Эльмира Гъямидова.

Координацияийн совещание гъабхъну

(Эвел 3-пи машнаь.)

гъуларин поселенийрин главйириз мялумат тувну ккунду, дурарира чпин терефнаан лазим вуйи кюмекар тувбан бадали.

Совещаниеийн Табасаран райондиь сагъламвал уьбхбан гъакънаан мялумат райбольницаийн главврачдин заместитель Малик Зиявутдиновди тувну. Дугъу зегъмет зигуз удукъру яшнан агъайир кван ва ифдин дамарарин, ил хътабгъру гъендемарин узрариан кечмиш хъпан ва гъазира бицидар кечмиш хъпан улупбар циб хъуб къайд гъаплну. Гъаддихъди сабси, гъелелиг гъял дарапу ва сагъламвал уьбхбан органари артухъди фикир тувну ккуни месэлийр ами, гъадму гъисабнаан ахю яшнан агъайирийн ерийн диспансеризация апул, инфекцияийн ва венерический узрарихъди женг гъабхуб, саб жерге жара узрарин улихъишв бисуб ва гъ. ж.

Докладин къялахъ Мягъямед Къурбановди райондиь фицдар узрар артухъди шулуш аьгъю апури хъуб ва жара шагърариан ва районариан думу узрариан уждар пишекар - духтрариз райондиз теклиф апури хъуб ккун гъаплну. «Райондин агъайиригъ гъарган дицдар духтрарихъна гъагъюз мумкинвалар адар. Хъа дицдар визитар тешкил апури гъахъиш, дурариз кыматсузди чпин сагъламвал ахтармиш апуз ва консультация гъадабгъуз мумкинвалар хъиди», - аьлава гъаплну Мягъямед Къурбановди.

Аь. РАШИДОВ.

«Дуствал» ансамблин нубатнан хъуркьувал

Ноябрин 30-ди Дербент шагъриь Д.Ш. Аьшуровдин ччурнахъ хъайи музыкаийн училищейин актовый залиь Дагъустан Республикаийн искусствийрин мектебарин ва бицидарин музыкаийн мектебарий урхурайидарин арайиь халкъдин милли инструментариин мукъмар йивбан республикаийн 8-пи конкурс клули гъубшну. Думу жюре конкурсариь ихъ райондин Къасум Мягъямедовдин ччурнахъ хъайи искусствийрин мектебдин «Дуствал» ансамбль 2020-пи йисланмина иштирак



шула. Гъадму вахтна «Дуствал» ансамблин иштиракчийри кюб ражари шубубпи, хъа саб ражари

кюбпи йишв гъазанмиш гъаплну.

Ццийин йисан жюриий ихъ ансамблиз лайикь-

лу кымат тувну – ихъ ансамбли сабпи йишв гъазанмиш гъаплну. Ансамблин художественный руководитель РД-ийн культурарин лайикьлу работник Рашид Сялягъатдинович Рашидов ву.

Гъалибвалихъди тебрик апури, «Дуствал» ансамблиз гележегдиь хъана ахю хъуркьувалар хъуб ккун апурахаь.

Фарзилат РАЖАБОВА.

Шиклий: «Дуствал» ансамблин иштиракчийр чпин мялимарихъди ва конкурсдин тешкилатчийрихъди.

Маншаллагъ живанариз!



Ноябрин 22-диан 24-диз Мягъячгъала шагъриь Дагъустан Республикаийн сабпи йишв бадали волейболдин соревнованийр клули гъушну. 2012-2013-пи йисари бабкан гъахъи баяр-шубарин арайиь думу соревнованийр Мягъячгъалаийн 61-пи нумраийн мектебдин бинаийн клули гъушну. Соревнованийриь республикаийн шагърариан, районариан йирхъуб команда иштирак гъахъну. Соревнований-

риь ихъ райондин команда сифте Ботлих райондин командийин 2:0 гъисабниинди гъалиб гъабхъну, хъасин Къаякент райондин командийин-2:0 гъисабниинди, хъа шубубпи тамаша «Мягъячгъала-1» командийин 2:0 гъисабниинди ихъ командийн хайирназ ккудубклну. Финалин тамашайиь «Мягъячгъала-2» командийинра гъалиб духъну, ихъ командий сабпи йишв гъибисну. Живан волей-

болистар тешкилатчийрин терефнаан кубокдихъди, медаларихъди, дипломарихъди лишанлу гъаплну. Соревнованийрин аьхириь Табасаран райондин волейболдин командийн иштиракчийри райондин глава Мягъямед Къурбановдиз райондиь спортдин артмиш`вализ ва гизаф йисари командийн тереф уьбхюри хъпаз лигну, ахю чухсагъул мялум гъаплну. Ихъ терефнаан ухъура, живан волейболистар, командийн тренерарин десте ва 3-пи нумраийн ДЮСШ-ийн директор Садик Уьсманов лайикьлу гъалибвалихъди тебрик апури, дурариз гележегдиь хъана ахю хъуркьувалар ккун апурахаь.

Ф. РАЖАБОВА.

Шиклий: гъалиб гъабхъи команда 3-пи нумраийн ДЮСШ-ийн директор Садик Уьсмановдихъди ва тренер Закир Шихмягъямедовдихъди.

Конкурс-выставкаийн шубубпи йишв




Улихъна йигъари Мягъячгъала шагъриь Расул Гъямзатовдин ччурнахъ хъайи милли библиотекаийн Дагъустан Республикаийн искусствийрин мектебарий ва художествийн мектебарий урхурайидарин арайиь «Мюгъкам хизан-мюгъкам

уьлке» клуру конкурс-выставка клули гъубшну. Думу конкурс-выставкаийн Къасум Мягъямедовдин ччурнахъ хъайи ихъ райондин искусствийрин мектебдин изобразительный искусствийн отделениеийн айи 5-пи классдиь урхурайи Альфия Исмяилова (Пилигъ гъул) иштирак гъахъну. Альфия Исмяиловайи душваь шубубпи йишв гъазанмиш гъаплну. Дагъустан Республикаийн культурарин Министерствийн терефнаан Альфия Исмя-

илова Ш дережайин дипломдихъди, гъазира райондин искусствийрин мектебдин мялим Шябан Гъажикъурбанов гъациб Гъюрматнан грамотайихъди лишанлу гъаплну.

Фарзилат РАЖАБОВА.



И.Исмаилов – шубубпи йишваъ



Ноябрин 24-ди Левашин райондин Левашин гъулаъ урус шашкйириан Дагъустандин кубокдин 2-пи пай к1ули гъубшну. Думу турнириъ Дагъустандин шагърариан, районариан 33 шашист иштирак гъахъну. Турнир швейцарский къайдайинди 8 турь к1ули гъубшну. Сабпи туриан аьхиримжи туризкъан Урусатдин спортдин мастер, ихъ ватанагъли Исмайл Исмаилов улихъди гъушну, 6 турь гъалибвал гъазанмиш гъап1ну. Аьхиримжи 8-пи турь му Хасавюртдиан вуйи Салман Юнусовдиз магълуб гъахъну. Натийайиъ Исмайл Исмаиловди, Салман Юнусовди ва Левашийиан вуйи Мягъямедяли Уьмаровди гъарсари 6,5 очко гъазанмиш гъап1ну. Аьлава улупбаринди йишвар гъамци пай гъап1ну: 1-пи йишв – Салман Юнусовдиз, 2-пи йишв – Мягъямедяли Уьмаровдиз, 3-пи йишв - Исмайл Исмаиловдиз.

Фарзилат РАЖАБОВА.

Чвултарин къялан мектебдин мялимарин, техработникарин ва урхурайдарин коллективди, душваъ гизаф йисари мялимди гъилиху, гъулан мистан имамвал гъап1у
Мягъямедяли Сулейманов
 кечмиш хъвал дерин пашманвалинди мялум ап1бахъди сабси, дугъан хизандиз, багахълуйириз башсагълугъвал ккун ап1ура.

Утеранный аттестат об основном общем образовании за номером №00518001324145, выданный Гурикской СОШ в 2017 году на имя Магомедова Арифа Магомедовича, считать недействительным.

(Ответы на сканв № 49.)



(Эвел 1-пи машнаъ.) федерация вуйи. Дупну ккундуки, думу ад аийи соревнованийир 2022-пи йисханмина шубубпи ражари Табасаран райондиъ к1ули гъагъюра, хъа дидиз улихъна 20 йисан дурар к1ули гъахурадайи.

Гъаму йисан Кубок уйнамиш ап1баъ республикаийн ужударсдар 6 команда иштирак гъахънийи: Табасаран, Хасавюрт, Хунзах районарин, Каспийск шагъриан, ДГУ ва ДГТУ-ийн. Дурар къюб дестейиз пай дап1найи. Сабпи полуфиналиъ Табасаран райондин команда ДГУ-ийн командаийин 2:0 гъисабниинди гъалиб гъабхъну ва финализ удубч1вну. Хасавюрт райондин командара 2:0 гъисабниинди ДГТУ-ийн командаийин гъалиб гъабхъну. Финалин тамашайиъ Табасаран райондин командаийин Хасавюрт райондин команда гъалиб гъабхъну. Гъаци Хасавюрт райондин спортсмена-

Дагъустандин Кубок к1ули гъубшну



ри шубубпи йисанра волейболиан Дагъустандин Кубок гъазанмиш гъап1ну. Къюбпи йишв Табасаран райондин командайи, хъа шубубпи йишв ДГУ-ийн командайи гъибисну.

«Волейболиан Дагъустандин Кубокдин соревнованийир ихъ райондиъ гъахували спортдиана гизаф биш1идар ва жигъилар жалб ап1иди. Дици хъувалин гележегди волейболин ад за ап1баз къюмек тувди», - гъапну райондин Глава Мягъямед Къурбановди спортсменар лишанлу ап1бан мяракаийи.

Гъалиб гъабхъи команда Кубокдихъди, призерар тьялукъ дережайин медаларихъди, Гъюрматнан грамотаирихъди ва къыматлу пешкешарихъди лишанлу гъап1ну.

У. Къурбанова.
 Нуруллагъ
 Рягъимовди
 гъиву шиклар.



Учредитель:
 Администрация МР
 «Табасаранский район».

Главный редактор
 И.М. Яралиев.
 Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
 Регистрационный номер:
 ПИ № ФС 05-0013.
 Цена - 8 руб.

ИНДЕКС-51375.
 Адрес редакции и издателя:
 368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)).
 Срок подписания в печать по графику - 17.00
 Подписано в печать - 17.00

Телефон:
 Главного редактора -
 8-967-390-76-85.

Адрес электронной почты:
 golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
 По всем вопросам качества печати обращаться в типографию
 Тираж 2269
 Заказ №